

# Suliffeqarfimmik innaallagissap aqqutaanik ikkussuineramik suliaqartumik akuersissuteqartarneq aamma ingerlatsineq pillugu Namminersorlutik Oqartussat nalunaarutaat

§ 6, imm 1 naapertorlugu Sanaartukkat innaallagissamut atugassat, innaallagissamut ikkussuinerit aamma atortut innaallagiatortut pillugit Inatsisartut peqqussutaat nr. 12, 3. november 1994-imeersumi, Inatsisartut inatsisaanni nr. 19, 12. juni 2019-imeersumi allanngortinneqartumi, Innaallagissiornermut Oqartussanit aalajangersaneqassaaq:

## Kapitali 1

### *Siunertaq*

§ 1. Nalunaarummi siunertaavoq Kalaallit Nunaanni innaallagiatortut ikkussukat isumanaassuseqartumik suliarineqarnissaat aamma suliaritinneqartarnissaat qulakkeerniarlugu isumannaallisaaneq, peqqissuseq aamma avatangiisit mianeralugit.

## Kapitali 2

### *Atuutsinneqarfa*

§ 2. Innaallagiatortut ikkussukat innaallagissamut sakkortuumut tunngasut aammattaq < 50 V-nik aqutsinerit aamma iluarsinerit atortunik ikkussuineq, taakkua > 50 V-p atuunneranik aqutsinerit aamma suliaritinneqartarneranik aqutsinerit atorineqarpata, tamakku elinstallatøritut suliffeqarfinit, akuersisummik pigisaqalersimasunit imaluunniit tapiliussatut/ killeqartumik akuersisummik pigisaqartunit suliaqartup suliarineqarnissaanut taamaallaat suliarineqarsinnaapput, taamaattorli tak. immikkoortut 3-6.

*Imm. 2.* Suliassat akuersisummik pigisaqarnissamik piumasaqaateqarfiusutut naatsorsuussat tassaapput innaallagissamik pilersuinerit atortumut aalajangerlugit aallartitaatit ikkunneqartussat imaluunniit attaviikkatut/piikkatut kiisalu taakkununga ilaapput ledninginut atortut aalajangikkat, tavlit, uuttuutit, ikkussuiffissat aamma ikkussuinerit atortut aalajangikkat allat aalajangerlugit maskiinanut aamma atortussianut innaallagissamik ingerlasunut ikkussukkamiit aalajangerlugit ikkullugit aallartitaatit ikkunneqartussat imaluunniit attaviikkatut/piikkatut atorineqartussat.

*Imm. 3.* Suliffeqarfiit inuussutissarsiutigalugu aqutsinerit aamma iluarsinerit atortunik nioqqutissiortut imaluunniit suliarinnittartut, imm. 1 apeqquataatinnagu, < 50 V-nik aqutsinerit aamma

iluarsiinermut atortunik ikkussuisinnaapput aamma suliarinnissinnaapput.

*Imm. 4.* Suliffeqarfii inuussutissarsiutigalugu maskiinanik aamma atortunik innaallagiatortunik nioqutissiorlut imaluunniit suliarinnittartut, imm. 1 apeqqutaatinngu, aalajangerlugit maskiinanut aamma atortussianut innaallagissamik ingerlasunik aalajangerlugit ikkullugit aallartitaatitut imaluunniit attaviikkatut/piikkatut atorneqartussanik ikkussuisinnaapput aamma suliarinnissinnaapput.

*Imm. 5.* Tavlinik nioqutissiorlut, imm. 1 apeqqutaatinngu, tavlinik ikkussorneqarsimasunik attaviikkatut/piikkatut atortunik ikkussuisinnaapput aamma suliarinnissinnaapput.

*Imm. 6.* Atortut innaallagiatortut ikkussukkat umiarsuarni, angallatit illutut atorneqartuni aamma timmisartut, qimuttuitsut qamutitaat pinnagit aamma qamutit motorillit, campingvognit aamma qamutit inigisassatut naatsorsuussat pinnagit, inatsimmut ilaatinneqanngillat.

**§ 3.** Nioqutissiorlut § 2-mi piumasaqaatit apeqqutaatinngit makku suliarisinnaavaat:

- 1) innaallagissap aqqutai aalajangerlugit ikkussukkat fabrikini sulianut atortunut nuunneqarsinnaasunut,
- 2) ikkussukkat innaallagiatortut illuliassat ilaannik sananermut atatillugu piareersaatitut ikkussuineq.

**§ 4.** Suliassat tulluuttut § 2-mi piumasaqaatit apeqqutaatinngit kikkunnilluunniit suliarineqarsinnaapput:

- 1) Qamittaatinik aamma ikkuffinnik iikkamiittunik taarsiineq sakkortunerpaamik 250 V-nik sumiiffinni ussissusia IP20-mit qaffasinnerunissaa piumasaqaataangippat, imaappat ikkussorneqarsimasoo RCD-mit (HPFI qamittaat) illersugaalluni.
- 2) Qaammaqqusersuutit (armatur) ikkussineq aamma piigaqarneq sumiiffinni ussissusia IP20-mit qaffasinnerunissaa piumasaqaataangippat aammattaaq uffarfinni.
- 3) Allannortitsineq aamma iluarsaaneq < 50 V-nik aqutsinermut aamma iluarsiinermut atortunik illuni nammineq (privatimik) pigineqartuni.

*Imm. 2.* Illuni nammineq (privatimik) pigineqartuni atuisut taamatuttaaq atortunik ikkussisinnaapput aamma piigaqarsinnaapput, taakkunani pussuttartut aalajangersimasut atugassatut naatsorsuunneqartuni, aalajangerlugit ikkussuunneqarsimasut attornagit. Aammattaaq inigisamut atasut qaammaqqusersuutit (armatur) taarserneqarsinnaapput taakku ussissusaat IP20-mit qaffasinnerugaluarpat.

### **Kapitali 3**

*Akuersisummik pigisaqalernissamik qinnuteqaateqarneq*

*Ataatsimut isigalugu*

**§ 5.** Akuersissut inunnut aamma suliffeqarfinnut suliassanik § 2-mi taaneqartunik suliaqarsinnaanermut, Innaallagissiornermut Oqartussanit tunniunneqartarpoq, inuttut akuersissutitut pigisassatut aamma suliffeqarfimmut akuersissutitut.

*Imm. 2.* Akuersissut ukiumi ataatsimi atuuttuuvooq aamma Kalaallit Nunaat tamakkerlugu atuutsinneqarluni, imaangippat akuersisummik atugassarititaasunik allaannernik aalajangersaasoqarsimanngikkuni. Akuersissut automatiskiusumik nutarterneqartarpoq ukiut tamaasa akuersisummik pigisaqarnermut akitsuutip akilerneqarneratigut.

*Imm. 3.* Inuttut aamma suliffeqarfittut akuersisummik qinnuteqaat Innaallagissiornermut Oqartussanut

nassiunneqassaaq qinnuteqaateqarnermut immersugassaaq atorlugu, taanna aaneqarsinnaavoq uani [www.elmyndighed.gl](http://www.elmyndighed.gl).

*Imm. 4.* Suliffeqarfik pillugu akuersisummik peqalernissamut qinnuteqaammuk makku ilanngunneqassapput:

- 1) Suliffeqarfiup qinnuteqaateqartup CVR normua.
- 2) Suliffeqarfiup sumiiffimmi inissisimaffigalugu najugaqarfia.
- 3) Ateq aamma CPR normu inuup imaluunniit inuit pineqartut, suliffeqarfiup inuttut akuersisummik pigisaqartussatut suliagitut sammisami akuersisummik pigisaqalernissamut qinnuteqaassunneqartut imaluunniit akuerineqartussaasut.
- 4) Suliffeqarfiup inuttut nammineq akisussaassuseqartua pillugu paasissutissat, pineqartoq suliffeqarfimmi atorfeqartuunersoq, kisimiilluni suliffeqarfimmik ataasiinnarmik pigineqartumik piginnittuunersoq imaluunniit ingerlatsivimmi peqataasutut inissisimanersoq.
- 5) Suliffeqarfiup pitsaassutisimik qulakkeerinninnermut atortoqarnera pillugu uppersaasarsuutit, nakkutilliinermik suliaqartartumit akuerisaasumit akuersissutaajunnartoq, kiisalu nakkutilliinermik suliaqartartup pitsaassutisimik qulakkeerinninnermut atortumit misissuigallarnerni atortup naammaginartuunera pillugu uppersaasat.
- 6) Suliffeqarfik akiliisinnajunnaartussatut imaluunniit sulianik unitsitsisussatut sulissutigineqannginneranut uppersaasat.

*Imm. 5.* Inuttut nammineq akuersisummik pigisaqalernissamut qinnuteqaateqarnermut tunngasumut makku ilanngunneqassapput:

- 1) Qinnuteqaateqartup aqqi tamaasa aamma CPR normua.
- 2) Qinnuteqaateqartup najugaa aamma telefoniata normua pillugit paasissutissat. Tamakkiisumik akuersisummik pigisaqalernissamut tunngatillugu Innaallagissiornermut Oqartussat piumasarisinnaavaat sumi najugaqarnermut uppersaasatip assingata ilanngunneqarnissaa.
- 3) Qinnuteqaateqartup e-mailikkut allaffigineqarfissaa pillugu paasissutissat.
- 4) Piginnaasaqarnermik pigisaqalernissamut misilitsissimanerup naammassineqarneranut uppersaasarsuut.
- 5) Akuersisummik pigisaqalernissamut misilitsinnerup angusiffigineqarsimanera pillugu uppersaasarsuut.

#### *Suliffeqarfiup akuersisummik pigisaqarnera*

**§ 6.** Innaallagissiornermut Oqartussat elinstallatøritut suliffeqarfimmut akuersisummik pigisaqalernerneq nalunaarutigissavaat, qinnuteqaateqartup uppersaasarsoreerpagit, tassa

- 1) suliffeqarfimmi inuk ataaseq imaluunniit inuit arlallit inuttut akuersisummik pigisaqartut suliffeqarfimmut attuumassuteqartut atorfeqartuunersut, kisimiilluni suliffeqarfimmik ataasiinnarmik pigineqartumik piginnittuunersoq imaluunniit ingerlatsivimmi peqataasutut inissisimanersoq,
- 2) suliffeqarfik pitsaassutisimik qulakkeerinninnermut atortumik atorsinnaasumik pigisaqarnera,
- 3) suliffeqarfik akiliisinnajunnaartussatut imaluunniit sulianik unitsitsisussatut sulissutigineqanngitsaq,
- 4) suliffeqarfiup Kalaallit Nunaanni najugaqartutut inissisimanera.

*Imm. 2.* Suliffeqarfiup piginnittua imaluunniit suliffeqarfik ingerlatsivittut ingerlanneqarpat, taava pisortaanera, suliffeqarfik imaluunniit inuk nammineq pineqartoq allaganngorlugu uppersaasammik

tunniussissaaq ukiut kingulliit pingasut ingerlanerini nalunaarummik matuminnga, siusinnerusukut elinstallatørinik il.il. akuersissuteqartarneq pillugu ilitersuummik imaluunniit sanaartukkat innaallagissamut atugassat, innaallagissamut ikkussuinerit aamma atortut innaallagiatortut pillugit Inatsisartut Peqqussutaat nr. 12-imik, imaluunniit maleruaqqusanik peqqussutip taasuma malitsigisaanik saqqummersinneqartunik unioqqutitsisimanini pissutigalugu pillarneqarsimaneranut imaluunniit taamaattoqarsimannginneranut tunngasumik.

*Imm. 3.* Innaallagialiornermut Oqartussat akuersissutinik pigineqartunik nalunaarsuiffeqarpoq. Nalunaarsuiffik tamanit takuneqarsinnaavoq Innaallagissiornermut Oqartussat nittartagaanni.

**§ 7.** Innaallagissiornermut Oqartussat ilassutitut akuersissutit aamma killimmik akuersissutit nalunaarutigisinnava, tassa sammisami akuersissummik pigisaqarnissamut piumasaqaateqarfiup ilaanik suliassanik sularinninnissamut, tamanna taamatuttaaq atuuppoq suliffeqarfik Kalaallit Nunaanni inissimasutut najugaqarfeqanngippat.

*Imm. 2.* Suliffeqarfiit imm. 1 tunngavigalugu akuersissummik pigisaqartut Innaallagissiornermut Oqartussat akuersissummik pigisaqartut allattorsimaffutaanni ilanngunneqassapput, tassani allallugu suliassat sorliit imaluunniit akuersissummik pigisaqarnermi piffissaq pineqartoq.

*Imm. 3.* Akuersissut tunniunneqarsinnaavoq akuersissummi atugassarititaasut killilerlugit,

- 1) piffissaq sivilissusilerlugu
- 2) suliassanut ataasiakkaanut tunngatillugu
- 3) suliassamut immikkorluinnaq ittumut
- 4) nunami sumiinneq apeqquataatillugu

Imaluunniit matuma siuliani allattorneqartut akuleriissillugit.

**§ 8.** Suliffeqarfimmit inuttut akuersissummik pigisaqalersimasup pisinnaatitaanerik pisariaqartunik pigisaqarnissaa qulakkeerneqassaaq, tassa inuttut akuersissummik pigisaqalersimasup suliassaminik suliqaarsinnaaneranut.

*Imm. 2.* Imaappat inuttut akuersissummik pigisaqalersimasooq suliffeqarfimmut atorfeqartitaasutut attuumassuteqarluni, taava pineqartoq atorfeqartinneqarsimassaaq sivikinnerpaamik qaammatinik pingasunik ilimasaarneqarluni soraarsinneqarsinnaassaaq qaammatini arfinilinni atorfeqareernermigut.

#### *Inuk inuttut akuersissummik pissarsineq*

**§ 9.** Inuk inuttut akuersissummik pigisaqalerneq Innaallagissiornermut Oqartussanit nalunaarutigineqassaaq uppersaasarsorneqareerpat, tassa

- 1) qinnuteqaateqartup piginnaasaasanik peqalernissamut misilitsinnermut angusereerpat, tak. ilanngussaq 1,
- 2) qinnuteqaateqartoq nammineersinnaassuseqarpat aamma nammineersinnaanngitsutut nakkutigineqanngippat,
- 3) qinnuteqaateqartoq suliffeqarfimmut attuumassuteqarpat atorfeqartutut, piginnittutut imaluunniit ingerlatsivimmi peqataasutut,
- 4) qinnuteqaateqartoq suliffeqarfiup aqqissuussaananerani imatut inissimappat sulisunik aamma suliassanut akisussaassuseqarfigisassanut aqutsisutut pisinnaatitaanerit pisariaqartut pigalugit.

*Imm. 2.* Qinnuteqaateqartoq allaganngorlugu uppersaammik tunniussissaaq nammineq ukiut kingulliit pingasut ingerlanerini innaallagissamut ikkussuinerit aamma atortut innaallagiatortut pillugit Inatsisartut Peqqussutaat nr. 12-imik, siusinnerusukut elinstallatørinik il.il. akuersissuteqartarneq pillugu ilitersuummik imaluunniit sanaartukkat innaallagissamut atugassat, imaluunniit atortut sakkortuumik innaallagiatortut aamma atortussiat innaallagiatortut pillugit inatsimmik, imaluunniit maleruaqqusanik inatsisit taakkua malitsigisaannik saqqummersinneqarsimasunik unioqqutitsisimanini pissutigalugu pillarneqarsimaneranut imaluunniit taamaattoqarsimannginneranut tunngasumik.

*Imm. 3.* Innuttaasunut nunanit allaneersunut imm. 1, normu 1 atuutinngilaq, qinnuteqaateqartut nunanit allaneersut piginnaasat, ilanngussaq 1-mi taaneqartut assingannik, pigisaqarlutik uppersaasiisussaapput.

#### *Itigartitsineq*

**§ 10.** Akuersissummik pigisaqalernissamut piumasaqaatit § 9-miittut apeqqaatinnagit Innaallagissiornermut oqartussat itigartitsissuteqarneq nalunaarutigisinnaavaat, imatut pisoqartillugu:

- 1) Qinnuteqaateqartoq nunami allami iliusereriikkaminut kingunerititaasunik, § 9, imm. 2-mi taaneqartunut sanilliunneqarsinnaasunut pillaatitsinneqarsimappat.
- 2) Qinnuteqaateqartoq atorfimmini imaluunniit allatut pisortanit pisussaatinneqarsimanermit imatut ileqqulersorsimappat, tamanna tunngavigalugu isumaqartoqarsinnaalluni suliffeqarfik isumannaatsumik ingerlanneqarsinnaanngitsoq.

#### *Immikkut akuerineqarneq*

**§ 11.** Innaallagissiornermut Oqartussat immikkut ittumik pisoqartillugu piumasaqaatinit, § 9-mi taaneqartunit, immikkut akuersissuteqarsinnaapput.

#### *Akuersissummik pigisaqarnermut akitsuut*

**§ 12.** Innaallagissiornermut Oqartussat ukiumoortumik akitsuummik akiliisitsisassapput suliffeqarfiup akuersissummik pigisaqarnerminik atatitsiinnarnissaanut.

### **Kapitali 4**

#### *Ilisimatitsinissamut pisussaaffik aamma pisussaaffiit allat*

**§ 13.** Suliffeqarfik akuersissummik pigisaqartoq, tak. §§ 9-11, ingerlaannartumik Innaallagissiornermut Oqartussanut ilisimatitsissaaq inuk akuersissummik pigisaqartoq alla suliffeqarfimmut attuumassuteqalerpat. Taamatuttaaq suliffeqarfik Innaallagissiornermut Oqartussanut ingerlaannartumik ilisimatitsissaaq inuk nammineq inuttut akuersissummik pigisaqartoq, suliunnaarpat imaluunniit suliffeqarfimmit ilisimaneqarpat inuk nammineq inuttut akuersissummik pigisaqartoq sapaatit akunnerini arfinilinni imminnut malittuinnarni qimagussimasussanngortoq.

*Imm. 2.* Suliffeqarfik akuersissummik pigisaqartoq, tak. §§ 9-11, Innaallagissiornermut Oqartussanut

ilisimatitsissaaq paasissutissani, akuersisummik pigisaqalernermut atatillugu nalunaarutigineqarsimasuni, allannguuteqartoqarpas.

*Inuit namminneq inuttut akuersisummik pigisaqartut pisussaaffi*

§ 14. Inuk namminneq inuttut akuersisummik pigisaqartut suliffeqarfimmut sapaatit akunneri tamaasa nal. akunnerini 30, suliffeqarfimmut attuumassuteqassapput suliffeqarfiup nalinginnaasumik ammasarfigisaata nalaani, taamaattorli tak. imm. 2.

*Imm. 2.* Innaallagissiornermut Oqartussat imm. 1-imi piumasaqaataasumit immikkut akuersissuteqarneq nalunaarutigisinnaavaat, pissutsit immikkut ittut pissutaappata kiisalu suliffeqarfimmi suliassat akuersisummik pigisaqarnissamut piumasaqaateqartartut annertussusiat pisariaqartinngippassuk, sapaatit akunneri tamaasa nal. akunnerini 30-ni akuersisummik pigisaqartut suliffeqarfimmut attuumassuteqarnissaa pisariaqartinngippassuk.

§ 15. Inuup nammineq inuttut akuersisummik pigisaqartut suliassarivaa suliffeqarfiup suliassaasa akuersisummik pigisaqarnissamik pisariaqartitsisut eqqortumik inuttaqarnissaat akisussaaffigaa, aammattaaq suliap suliarineqarnerani naammaginartumik nakkutigineqarnissaat.

*Imm. 2.* Inuup nammineq inuttut akuersisummik pigisaqartut isumagisussaavaa suliap maleruaqqusat atuuttut naapertorlugit suliarineqarnissaa.

*Suliffeqarfiit akuersisummik pigisaqartut pisussaaffiat*

§ 16. Suliffeqarfiup aalajangersakkat aalajangersimasut malissavai aamma Innaallagissiornermut Oqartussat aamma innaallagissamik nioqquteqartumit, kommunalbestyrelsit aamma ledninginik piginnittut immikkut ilitersuutaat malissavaat.

*Imm. 2.* Suliffeqarfik pisussaaffeqarpoq imm. 1 naapertorlugu innaallagissamut tunngasut suliamik naammassineqarnerat nalunaarutigissallugu.

§ 17. Suliffeqarfiup akuersisummik pigisaqartut innaallagissamut ikkunneqarsimasumik kukkusoqarsimasooq imaluunniit tamanna amigaateqartoq paasiguniuk aamma taakkua iluarsineqarsimanngippata, taava suliffeqarfiup piginnittoq imaluunniit atuisooq tamakkua pillugit ilisimatissavaa aamma navianarsinnaasut pillugit, kiisalu akisussaassuseqarneq tamatumunnga tunngatillugu kukkuneqarsimasut imaluunniit amigaataasut aaqissuunneqarsimanngippata.

**Kapitali 5**

*Pitsaassutisimik qulakkeerinninnermut atortoq*

§ 18. Suliffeqarfik akuersisummik pigisaqalerniarluni qinnuteqaateqartoq uppersaasarsuummik saqqummiussissaaq, tassa suliffeqarfik atornerqarsinnaasumik pitsaassutisimik qulakkeerinninnermut atortoqarluni. Atortoq suliffeqarfiup niuernermini tunngavigisaanut sammisuussaaq, tassa suliassanut akuersisummik pigisaqarnissamik piumasaqaateqarfiusunut. *Imm. 2.* Innaallagissiornermut Oqartussat pitsaassutisimut qulakkeerinninnissamut atortumik, imatut pisoqartillugu suliffeqarfiup suliassanik

ikkussuinnermut tunngasunik sumiginnaasimappat, misissuisinnaapput.

*Imm. 3.* Suliffeqarfik nunami allameersoq uppersaasarsuummik saqqummiussissaaq, tassa suliffeqarfik pitsaassutisimik qulakkeerinninnermut pigisaqarluni suliffeqarfiup Kalaallit Nunaanni suliarisartagaanut tunngatillugu.

## Kapitali 6

### *Atorunnaarsitsineq aamma utertitsineq*

#### *Atorunnaarsitsineq*

**§ 19.** Suliffeqarfiup akuersissut pigisaa atorunnaassaaq suliffeqarfik akiliisinnaajunnaartutut suliarineqarpat, aningaasassaaleqilluni suliamik unitsitsippat, atorunnaarpat imaluunniit suliffeqarfimmut inuk nammineq inuttut akuersissuummik pigisaqartoq attuumassuteqarunnaarpat imaluunniit inuk nammineq inuttut akuersissuummik pigisaqartoq sapaatit akunnerini arfinilinni imminnut malittuinnarni qimagussimappat.

**§ 20.** Toqusoqartillugu tassani pineqarluni suliffeqarfimmit piginnittoq tamatumunnga ilutigitillugu taanna inuttut nammineq akuersissuummik pigisaqarluni, taava qimataasut ingerlaannartumik tamanna pillugu Innaallagissiornermut Oqartussanut nalunaaruteqassapput.

*Imm. 2.* Imaappat suliffeqarfik ingerlatiinnarneqarnissaa kissaatigineqarluni, taava Innaallagissiornermut Oqartussanut qinnuteqaateqarnikkut immikkut akuersissuteqartoqarsinnaavoq, piffissami sivikitsumi akuersissut pigineqareersoq atorlugu sulisoq tatigisaasoq aqutsisoralugu.

**§ 21.** Akuersissutip pigineqartup piffissaq atuutsinneqarfia qaangiuppat taava taanna automatiskiusumik atorunnaassaaq, imaangippat piffissamut aggersumut akuersissuummik pigisaqarnermut akitsuut Innaallagissiornermut oqartussaasunut akilerneqarsimalluni.

**§ 22.** Inuup inuttut nammineq akuersissut pigisaa atorunnaassaaq inuup pineqartup § 9-mi piumasaqaataasut naammassisinnaajunnaarpagit.

#### *Utertitsineq*

**§ 23.** Innaallagissiornermut Oqartussat akuersissuummik utertitsisinnaapput, imatut pisoqartillugu

1) suliffeqarfik ikkussuinnermi suliaassanik suliaqarnermini annertuumik sumiginnaanermut imaluunniit uteqqiattumik pisuusimappat.

2) Innaallagissiornermut Oqartussat pitsaassutisimik qulakkeerinninnermut atortup misissornerani taanna akuerisinnaangippassuk imaluunniit immikkut ittumik misissueqqinnermini suliffeqarfiup nammineq misissuisussaataanerminik annertuumik amigaateqarsimappat,

3) suliffeqarfiup nammineq najugaqarfittut sumiiffia Kalaallit Nunaanniikkunnaarpat, imaluunniit

4) akuersissuummik pigisaqarnissamut piumasaqaataasut allatut naammassineqarsinnaangippata.

*Imm. 2.* Utertitsinissamik aalajangiineq imm. 1 naapertorlugu pisoq suliffeqarfimmit aalajangiinnermi pineqartumit eqqartuussivikkut suliarisassanngortinneqarnissaa piumasaqaatigineqarsinnaavoq.

Eqqartuussivinnut suliaissanngortitsinissamik qinnuteqarneq Innaallagissiornermut Oqartussanut saqqummiunneqassaaq, kingusinnerpaamik aalajangiinerup suliffeqarfimmut nalunaarutigineqarnerata kingornatigut sapaatit akunnerisa sisamaanni.

*Imm. 3.* Eqqartuussisunut suliaissanngortitsinissamut piumasaqaat imm. 1 naapertorlugu utertitsinermut tunngasoq kinguartitsinissamik kinguneqarpoq. Taamaattorli eqqartuussiviup aalajangiinermigut aalajangersinnaavaa suliffeqarfik pineqartoq suliap ingerlanneqarnerata nalaani akuersisummik pigisaqartut suliaasaanik suliaqarsinnaanngitsoq.

## **Kapitali 7**

### *Peqqussuteqarneq*

**§ 24.** Suliffeqarfik § 2, imm. 3-5, tunngavigalugu imaluunniit maleruaqqusat § 3, imm. 1, normu 1 aamma 2 tunngavigalugit innaallagialerineramik suliaasanik suliaqartup ingasattumik imaluunniit arlaleriarluni inatsimmik atuuttumik, imaluunniit isumannaallisaanermit piumasaqaatinik allanik unioqqutitsippat, taava Innaallagialiornermut Oqartussat suliffeqarfimmut peqqussuteqarsinnaavoq suliasat taamatut ittut akuersisummik pigisaqartumik suliariteqqullugit.

*Imm. 2.* Imaappat peqqussuteqarnermut piumasaqaatit, tak. imm. 1, allannguuteqarlutik taava suliffeqarfiup Innaallagissiornermut Oqartussat qinnuigisinnaavai nalileeqqullugit, peqqussuteqarnerup sulii atuutiinnarnissaanik nalileeqqullugit.

*Imm. 3.* Peqqussuteqarnermut aalajangiineq imm. 1 naapertorlugu pisoq suliffeqarfimmit aalajangiinermi pineqartumit eqqartuussivikkut suliarisassanngortinneqarnissaa piumasaqaatigineqarsinnaavoq. Eqqartuussivinnut suliaissanngortitsinissamik qinnuteqarneq Innaallagissiornermut Oqartussanut saqqummiunneqassaaq, kingusinnerpaamik aalajangiinerup suliffeqarfimmut nalunaarutigineqarnerata kingornatigut sapaatit akunnerisa sisamaanni.

*Imm. 4.* Eqqartuussisunut suliaissanngortitsinissamut piumasaqaat imm. 3 naapertorlugu kinguartitsinissamik kinguneqarpoq. Taamaattorli eqqartuussiviup aalajangiinermigut aalajangersinnaavaa eqqartuussisunut suliaissanngortitsineq kinguartitsineramik kinguneqassanngitsoq.

## **Kapitali 8**

### *Ussassaaruteqarneq il.il.*

**§ 25.** Suliffeqarfik akuersisummik pigisaqarnissamut angusisimanngitsoq imaluunniit suliffeqarfiup akuersissut pigisaa atorunnaarsimappat imaluunniit utertinneqarsimalluni, taava ussassaaruteqarnermi imaluunniit aallatut iliorluni iliuuseqarnikkut, isumaqalersitsisoqassanngilaq suliffeqarfiup akuersisummik pigisaqarneranik.

## **Kapitali 9**

### *Nakkutilliineq*

**§ 26.** Innaallagissiornermut Oqartussat, nalunaarummit matuminnga aamma maleruaqqusanik nalunaarutip matuma malitsigisaanik aalajangersarneqarsimasunit, nakkutilliisuvoq.

*Imm. 2.* Innaallagissiornermut Oqartussat piumasaqaatigisinnaavaat paasissutissat tamaasa



nalunaarutigineqarnissaat, tassa imm. 1 naapertorlugu nakkutilliinermik suliaqarnerminut pisariaqartitatik.

**§ 27.** Innaallagissiornermut Oqartussat imaluunniit inuit Innaallagissiornermut Oqartussanit pisussaaffilerneqarsimasut, qaqugukkulluunniit kinaassutsiminnik uppersaallutik eqqartuussisup aalajangiinera tunngaviginngikkaluarlugu innaallagissamut atortunut imaluunniit ikkussuunneqarsimasunut aamma sumiiffinnut taakkuninnga nioqqutissiorfusunut, nioqquteqarfusunut, toqqorsiviinut imaluunniit innaallagissamut atortussianut isersinnaatitaapput.

*Imm. 2.* Pisariaqarnera tunngavigalugu Innaallagialiornermut Oqartussat tamatumunnga politiinit ikiorneqarsinnaapput.

**§ 28.** Nalunaaruteqarnernut atatillugu tamakku piumasaqaataasinnaapput, taava innaallagissamik nioqquteqartup misissussavaa, suliassat nalunaarummi matumani maleruaqqusat imaluunniit maleruaqqusap matuma malitsigisaanik maleruaqqusat aalajangersarneqarsimasut naapertorlugit, suliffeqarfinnit taamatut suliaqarnissamut pisinnaatinneqartunit suliarineqarsimanersut.

**§ 29.** Innaallagissamik nioqquteqartup, kommunalbestyrelsip imaluunniit suliffeqarfiup pilersuisuusup Innaallagissiornermut Oqartussaanut nalunaaruteqassapput, qularnaarlugu paasineqarpat nalunaarummi matumani maleruaqqusat imaluunniit maleruaqqusap matuma malitsigisaanik maleruaqqusat aalajangersarneqarsimasut unioqqutinneqarsimasut, suliarisap suliarineqarnerani sumiginnaasoqarsimasoq imaluunniit suliffeqarfik akuersisummik pigisaqartoq iliuseqarsimasoq imatut, tamatuma malitsigisaanik akuersissutip pigineqartup utertinneqarnissaanik kinguneqarsinnaasumik.

**§ 30.** Ikkussuinissamik suliassap piareersarneqarneranut aamma suliarineqarneranut atatillugu nalunaaruteqarnermi, suliffeqarfik akuersisummik pigisaqartoq pisussaaffeqarpoq Innaallagialiornermut Oqartussat inassuteqarnerisigut ikkussorneqartussap annertussusia aamma qanoq ittuunera pillugit paasissutissanut ilassutissanik tunniussissaaq.

**§ 31.** Sumiiffimmi misissuinermi suliffeqarfik akuersisummik pigisaqartoq tamanna piumasarineqarpat sumiiffimmut suliassamik suliaqarfusumut ornigutsitsissaaq.

**§ 32.** Innaallagissiornermut Oqartussat atortunik, ikkussukkanik aamma/imaluunniit titartakkanik misissuinerata suliffeqarfik akuersisummik pigisaqartoq akisussaaffiata ilaanit sumilluunniit pisussaajunnaarsinngilaa, suliassat maleruaqqusat aamma aalajangersakkat atuuttut eqqortillugit suliarineqarsimanissaannut.

**§ 33.** Innaallagissamik nioqquteqartoq pisinnaatitaavoq naaggaarsinnaanermi, tassa ikkussukkanik ikkussinissaminut aamma/imaluunniit uuttuutunik ikkussinissaminut ikkussorneqarsimasunut, taakkua nalunaarutunik atuuttunik unioqqutitsilluni suliarineqarsimappata imaluunniit eqqunngitsumik nalunaarutigineqarsimappata aamma naammassinerat nalunaarutigineqarsimappat.

§ 34. Innaallagissiornermut Oqartussat innaallagissamik nioqquteqartoq pisinnaatissinnaavaa ikkussukkanut ingerlasunut unioqqutitsilluni aamma kukkuneqartumik suliarineqarsimasunut pilersuineramik qamitsinissamut, pineqartut iluarsineqarnissaasa tungaanut.

§ 35. Suliffeqarfup akuersisummik pigisaqartup sukumiinerisumik kingusinnerpaamik piffissarititaasup nalunaarutigineqarsimasup ingerlanerani ikkussorneqarsimasut pineqartut iluarsisimanngippagit, taava Innaallagissiornermut Oqartussat suliassat suliaritissinnaavai suliffeqarfup akuersisummik pigisaqartup akiligassaanik.

§ 36. Taamatut pisoqartillugu Innaallagissiornermut Oqartussat pisinnaatitaapput suliamut tunngatillugu aningaasartuutitik suliffeqarfimmit akuersisummik pigisaqartumit matussusertissallugit.

## Kapitali 10

### *Maalaaruteqarnissamut periarfissat*

§ 37. Innaallagialiornermut Oqartussaasut nalunaarut manna napertorlugu imaluunniit nalunaarutip matuma malitsigisaanik maleruaqqusat naapertorlugit aalajangigai oqartussaasunut allanut allaffissornikkut suliassanngorteqqinneqarsinnaanngillat.

## Kapitali 11

### *Pineqaatissiissutit*

§ 38. Pillaammik akiliisinneqarsinnaavoq imatut iliortoq

- 1) §§ 2-4 unioqqutitsisoq,
- 2) nalunaarutigisassanik nalunaaruteqanngitsoortut, tak. § 13.
- 3) nalunaarutigisassanik § 13, imm. 2 naapertorlugu nalunaaruteqanngitsoortoq imaluunniit paasissutissanik kukkusunik nalunaaruteqartoq, imaluunniit
- 4) § 25-mik unioqqutitsisoq.

*Imm. 2.* Inuit inatsisitigut pisinnaatitaasut aamma pisussaatitaasut pillaammik akiligassamik akiliisussanngortinneqarsinnaapput Kalaallit Nunaanni pinerluttulerinermi Inatsimmi maleruaqqusat naapertorlugit.

*Imm. 3.* Pillaammik akiliisitsinerit najoqqutassaq manna naapertorlugu Nunatta Karsianut nakkartinneqassapput.

## Kapitali 12

### *Atuutilersitsineq aamma ikaarsaariarnermi aalajangersakkat*

§ 39. Nalunaarut 1. januar 2020 atuutilerpoq.

*Imm. 2.* Kalaallit Nunaanni installatørit pillugit ilitersuut aamma akuersisummik pigisaqarnissamut aalajangersakkat 1. januar 2020 atorunnaarsinneqarput.

*Innaallagialiornermut Oqartussat, ulloq 12. december 2019*

Michael Petersen

/

Jane Lynge Hansen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut